

**Nwa' wvù Baul to san̄εε ê kentaashε
ke
Kol ose
Fiεε fi nu ê Nwa' wvu Kolose
wvun e**

Baul to san̄ nwa' wvun fô kentaashε ke bonyii bo mbee le ke ê kelaante kè Kolose le. Ebaflōs to nu ε nε to bô saaka mvu wvù befe εkumε kentaashε kedvu. E Baul mum san̄ nwa' wvun no kentaashε kedvu to nu ê kelen̄ kè wvú to yene le è ken̄ke wen keetaale fô kí le. Wvú to san̄ keeleke n'yεεyi ε è nu wvu keεεy wvù nu εkumε bonyii bô è nu bo Klistu le.

Bikuu bi mwεεm e ê Nwa' wvun e

1:1-8 Ken̄kεwce

1:9-2:19 Ekumε wee wvù è nu Klistu noo lemme diew

2:20-4:6 Nshii wvu fwε wvù nu yî Klistu le

4:7-18 Kemεse

¹ E nu me wvù Baul, waa ntum Klistu Jisos yî n̄kon̄ wvù wvu Nyo' le. Me nu bee Timatio wvù waa bwee wesebeene.

² Nwa' wvun gēne fô ben e boom bo bwee wese le bô nu fitele fimwaan̄ bô bo Klistu, nu bonyii bô è nu bo Nyo' le Kolose. Nyo' Icee wesebeene ebw ben bô kembon̄en kew ebvuu enya ben bô mvuntelem mvù lætene.

E Baul no bunlee, nyaa keyoone ê Nyo' fô bonyii bo Kolose le

³ Bese dioo bunlee fô ben e sekecii no nyaa ke ε è nu keyoone ê Nyo' wvù Icee Tata wesebeene wvù Jisos Klistu,

⁴ njefo bese nu ε yuw wase ekumε fitele finεn fi ben lese yî Klistu Jisos e, bô kenkonen kè ben kenke fô bonyii bocii bô è nu bo Nyo' le.

⁵ Bese kee le ben gee nonen njefo ben taale fwe ε è nu yî fiεε fi Nyo' nu ε seyse ε gεε ê ben fowe le. E fiεε fin nu fi ben to yuwεε wase ê diεw Nyo' le yì nu keceey, nu saaka wvù jee.

⁶ Saaka wvun to to fô ben e lenlen no wvù to toε fô bonyii le yî ekole ke nshε le kecii no kumene nce bonyii bvuu saankene gene fwe fwe. E nu ke lenlen no fí to kooyεε bô ben ε kew diuu di ben yuwεε saaka wvudvu bvuu kiεε keceey le Nyo' nu ε buw bonyii bô kenkonen kew.

⁷ Ben to yuw saaka wvudvu wvun ê Ebaflas wvù nu fitele fisεse, ε bee bó lemte yî fiεε le fimwaan. Wvù nu wee lemme Klistu, ε wvù ε jo bvudvuu bvusese ε no lemte bô fitele fiew ficii,

⁸ ε wvù ε see wase ê bese ekumε kenkonen kè Keyoy ke Nyo' le nu ε nya ben ε no kenke fô bonyii le.

⁹ E kew diuu di bese yuwεε ekumε ben nonen, bese ε mum ε no bunlee fô ben e sekecii. Bese bunlee leke le Nyo' ege é ben ekiεε fiεε fi wvù gomte. E ffin nu ke efey yî bvufee bô mwεem mvù Keyoy kew nu ε ge ben ε no kee le.

¹⁰ Nonen é ben emum ecee nce ε è nu wvù nu ε kpwenten wvu bonyii bo Tata le. E è nu wvù, wvù

1:3 Efε 1:16; 1Tes 1:2-3 **1:4** Efε 1:15 **1:5** 1Bi 1:3-4; Efε 1:13
1:6 Lem 2:41; Lum 1:13; 1Tim 3:16 **1:7** 4:12; Flm 23 **1:8** 1Kol 8:1 **1:9** Efε 1:17; Fili 1:9 **1:10** Efε 4:1; 2:10; Fili 1:27

wvú looci kooŋke. E ben dioo cee nonen emum egee dilemme di jee jé le jé le, ekeè Nyo' gene fwe fwe.

¹¹ Bese bunlee ten le Nyo' wvú mvunɔgay mvu baay mvunciim nu mwew enya ben bô mvunɔgay mvunciim é ben etemyi sekecii, kuule shém gene fwe yí fiεε le ficii, lanlanje,

¹² nyaa keyoone ê Nyo' Ice. E nu wvú wvú nu ε ge beene ε kocen keeke ekeŋke fiεε fi wvú nu ε seyse ε gεε ê bonyii bô è nu bew fô bvudvuu bvú n'yuú le.

¹³ Wvú nu ε bvuse wase beene can mvunɔgay mvu εjiwε le, ε gεε ente jo bvunfon bvú Waa we wvú nu fitele fiew e.

¹⁴ E nu Waa we wvun wvú nu ε ge Nyo' ε læshe bibefe bisεεbeene, ε sum beene can ŋgew e.

Klistu nu εkolε ke mwεεm mvunciim e

¹⁵ Waa we wvun nu naa lo wunte Nyo' kebeε wvú beene yaa yene ke. E nu wvú nsafwe mwεεm mvunciim mvú bó bomεε.

¹⁶ Nyo' to bom mwεεm mvunciim can ye le, mwεεm mvu fowe bô mvu fokuse, mvú bó yene mvú le, bô mvú bó yaa yene ke, kenεε è nu naa bonceendaa bô la, bô lene ê fwefwe le, kenεε bô keŋke mvunɔgay, kenεε bo baay baay, kenεε bô saake. Mwεεm mvun mvunciim nu ε Nyo' to bom can ye le, ε mvú nu keewvumte wvú.

¹⁷ Wvú to nu wase dvú ε mwεεm mvunciim se ke no nu. Mwεεm mvunciim nu can ye le, ε è jici wvú dvú ε mvú se nu.

1:11 Lum 5:2; Efe 1:18 **1:13** Jon 5:18; Luk 22:53; Lem 26:18; Efe 1:6, 7, 21; 2:2; 6:12 **1:15** Jon 1:18; 2Kol 4:4; 1Tim 6:16; Ibu 1:3
1:16 1:13; Jon 1:3, 19; Ibu 1:2 **1:17** Jon 1:1; 8:58

¹⁸ Wvú nu ekolε ke kentaashε ke bonyii bo mbee le kè è nu ye ye. Ε nu wvú wvù to kεwεε kentaashε kin. Ε è nu wvú wee wvu fwe keebuy yí kpwe le wvù yaa bεε ke ekpwe ke, wvu le yí fiεε ficii le é wvú enù nsafwe.

¹⁹ Mwεεm mvun nu nonεn njefo Nyo' to nu ε kon le fiεε fi wen nu fí ficii enù yí Waa we le,

²⁰ é wvú ege é mwεεm mvunciim ekase etaashε bô Nyo', kεnεε è nu mvu fowe kεnεε mvu fokuse. Ε Nyo' mum ge kεman bô ελεμε ke Waa we le seke wvù to kpweε yí kentam e.

²¹ Ben tεn to shee nu ε ben ε gawsεn ben ε bo Nyo', kεηke bonkpawwεε bô befε ekumε wvù, gee mwεεm mvù befε.

²² Geenεn, keseen nu ε Nyo' ε kase wase ε taashe ben ε bó. Wvú to ge fifin fele yí Waa we le wvù to tuε wee wvu wum, to kpwe fô ben e, wvu le ben enù ê wvù fwe yuule yaa kεηke nlom ke, nu sε jay.

²³ Ben kεηke keemum egeenè fwe yí fitele fi ben lese yí ye le, ecime γεη eleemè tεmyi ε fiεε yaa shiike ke ben yí fiεε fi ben taale fwe yí dvú le fi ben to yuwεε ê saaka wvù jee le. Saaka wvù jee wvudvu wvun nu wvù bó nu ε fewεε wase ê wee tfuu yí nshε le fεn. Ε saaka wvudvu wvun nu wvù me wvù Baul nfewci ê bonyii diεwε wee lemme Nyo' le.

Lemme di Nyo' to nyaε ê Baul

1:18 2:19; 3:15; Εfe 1:22-23; Lem 4:2; 26:23; Mwm 1:5 **1:19**
 2:9-10; Jon 1:16; Εfe 1:23 **1:20** Lum 3:25-26; Εfe 1:9-10, 21; 2:13-16
1:21 Lum 5:10; Εfe 2:12-13; 5:27 **1:23** 2:7; Εfe 3:17; 1Tim 3:16;
 Ibu 3:6

24 Me nlanlanɛ keseen yî ηγεω wεm wvù me n'yene nje yene le. Ε me njoo ηγεω wvun yî εkolε kem e nεn keemεse ηγεω wvù Klistu to yεnεε nje kentaashε ke bonyii bo mbee le kè è nu ye ye.

25 Nyo' nu ε γεε me λε me enlemtè fô kentaashε ke bonyii bo mbee le, enfewcì diεw ye ê ben no yí nu yicii.

26 Diεw yin nu yì to shee nu ε bó ε nyile ê εηγοκε ke bonyii le kecii bilum ηkuuη, ε keseen nu ε Nyo' ε duηce wase ê bonyii bò è nu bew.

27 Nyo' to nu ε caw keege é bonyii bew ban ekiεε λε bonyii bò yaa nu κε Bojuu nu ke eκεηκε bvukuke bvu saaka wvù bó to shee nyile wvun e naa ntay. Ε saaka wvudvu wvun nu λε Klistu nu yî yene le. Nonεn ben ε mum ε no taale fwe keeκεηκε bvukuke.

28 Ε nu Klistu wvudvu wvun wvù bese fewci εκumε wvù ê bonyii bocii. Bese γεεyi bó bô bvufee bvucii bvù Nyo' nyaa ê bese, bvuu teete bó, wvu λε bó enù ε bó ε taw ε kocεn ê Nyo' εjise no bonyii bo Klistu le κεηκε keenu.

29 Ε nεε fiεε fi me mbone ηηη, nlemte bô mvunγay mvunciim mvù Klistu lemte dvú yî γεm e.

2

1 Me ε mum ε no ηgomte λε me enge é ben bo Kolose ekiεε no me nlumte naa ntay nje yene, bô nje bonyii bo Lawdesia noo bonyii bo mbee le bocii bò ke baa γεn wase me le εjise κε.

1:24 2Kol 1:5; 11:23-29; Εφε 3:13 1:25 Εφε 3:1-3 1:26 2:2; 4:4;
Εφε 3:6 1:27 3:4; Lum 5:2; Εφε 1:18 1:28 Εφε 4:13 1:29 Εφε
3:20; Fili 4:13

² Me ηgee nonεn λε mvuntelem mvu ben ε bó le eyvuwsé, é ben etaashε enu yî keηkoηεn e, wvu λε ben elooci kee naa ntay mwεεm mvunciim no wee keηke keekee, emum ekeè tεn kenylε ke Nyo' le, kè è nu Klistu.

³ Nyo' nu ε nyilε ntfu bvufee bvucii bô mwεεm mvù bonyii keηke keekee ekumε wvú ε è nu yî Klistu le.

⁴ Me njemyi fin wvu λε fo wee mvu ke enε eto bô njeme wvù yeke wvu fomvu fomvu elεε ben dvú.

⁵ Ben ekeè λε naa no me ncim nu ncejole nεn nu ε me nu beene ê keyoy e. Ε me lanlanε no me n'yuuke no ben gee mwεεm ê je yi λεη e, ε ben ε lese fitele yî Klistu le ε fí tεmyi ntay.

Bonyii bo Klistu le nu ε boy wase can bonci bo εcici le

⁶ No ben nu ε fiisεn wase Klistu Jisos wvù Tata, ben emum eleemè ke yî ye le nonεn.

⁷ Ben ecime γεη ekuù yî ye le, eleemè tεmyi yî mbee wene le ke λεηλεη no bó to yeεyεε ben, enyaà keyoone ê Nyo' sekecii.

⁸ Ben eyènè fo wee ke ejo bvufee bvυ εcici bvυ fokuse fεn bvυ kenλεεma le enjim ben dvú é ben etu bonfaw κε. Bvufee bvun nu bvù bii bonkpawwεε bo wee wvu wum bô bo mwεεm mvù saake yî woη wvun e. Ke è yaa nu bvù bii bonkpawwεε bo Klistu le κε.

⁹ Ben ekeè λε no Klistu to tuε wee wvu wum, nu ε fiεε fî Nyo' nu fí ficii nu yî ye le.

¹⁰ Ben nu ε κειηκε wase mwεεm mvunciim no ben nu ε taashe ben ε bo Klistu. Ε nu wvú εκολε ke mwεεm mvunciim mvù κειηκε mvunγay saake le.

¹¹ No ben ε bó to taasheε nonen, ε wvú tfuse ben yew. Ε κε ntfuse yew wvun nu wvù bó tfuse bó can seke bó ε sum kejewlεε ke ye wee le κε. Wvuwvun nu wvù ε gee Klistu keesum nyam yene ye kebefε.

¹² Seke bó to lesεε ben ê joo nu ε bó to taashe ben ε bo Klistu dwey. Ε Nyo' kase bvuse tεn ben nje fitele fi ben to lesεε yí ye le le wvú nulo ebvuse tεn ben yí kpwe le bó mvunγay mvù wvú to bvuseε Klistu dvú yí kpwe le.

¹³ Ben to shee nu ε ben ε kpwe wase ê keyoy e nje bonci bo Nyo' le bó ben to ηgoyte ε Klistu baa tfuse wase tεn ben yew keesum mwεεm mvù nyam ye yene gomte le κε. Keseen, Nyo' nu ε ge wase ben ε kase ε tu dvú, ε taashe ben ε bo Klistu. Wvú nu ε λεεshe wase bibefe bisεεbeene bicii.

¹⁴ Wvú nu ε fiwse wase mwεεm mvù to koole beene ê Nwa' bonci le ε bó saanke εκυμε beene. Wvú nu ε jo mwεεm mvudvu mvun ε tfuse yí Klistu le, bó ε mum ε ta wvú yí kentam e,

¹⁵ wvú ε mum ε ηgoy mvunγay mvu mwεεm mvunciim mvù κειηκε mvunγay saake le, ε bvuse mvú ya le, ε shoose, ε mum ε so mvú yí kentam e. *

Bonyii bo Klistu le eyuukè ε è nu fiεε fi è gayte wvú

¹⁶ Nonen, fo ben ebvuu ebee é wee mvu esaake ben εκυμε mwεεm mvù ben diee κενεε mvù ben

2:11 Εφε 2:11 **2:12** 3:1; Lum 6:3-4; Εφε 1:19-20; 2:6 **2:13** Εφε 2:1, 5 **2:14** Εφε 2:15-16; 1Bi 2:24 **2:15** 2:9-10 * **2:15** Κενεε le, "... ε mum ε so mvú yí ye le." **2:16** Lum 14:1-6

wuu kɛnɛɛ lɛ ben baa egɛɛle bonkaw, kɛnɛɛ è nu ñkaw kpwee wvu fwɛ, kɛnɛɛ lɛ ben baa eshee mbam kɛ.

¹⁷ Bó to shee gee mwɛɛm mvun fwele ε mvú nu kɛ lo diɛwɛ kenjinjinj ke fiɛɛ fi to nu keeke to le, ε fiɛɛ fidvu kebɛɛ nu Klistu.

¹⁸ Fo ben ebee é bonyii bomew esaake ben duu lɛ ben nu ε jay je kɛ. Bonyii ban nu bò duu lɛ ben ejoð bikuu binɛn ekuse no bó joo, duu lɛ ben ebunleè tɛn bonceendaa bo Nyo' le no bó bunlee. Bó duu lɛ bó kee mwɛɛm njefo bó yene mwɛɛm e ê bifilɛ le. E bó bensee kɛ ε è nu ye yí mwɛɛm mvù too ɛfa jobo le, ε kenyi kedvu yaa nu kɛ.

¹⁹ Boba bonyii nu ε gawsɛn wase bô bo ekolɛ kè è nu Klistu. Klistu nu wvù nyaa mvunɣay ê ye ye ε yí sɛ kuu no Nyo' seyse lɛ yí ekuù. Beene nu ε taashɛ kɛ diɛwɛ no ye wee nu ε taashɛ yí biyuj bô bonɣɛnsee le ε sɛ no lemte lɛɲ.

²⁰ No ben nu ε kpwe wase ben ε bo Klistu ê keba ke mwɛɛm mvù saake yí wonj wvun e, ε no nu nje la wvù ben bvuu cee kɛ diɛwɛ ben nu bonyii bo yí wonj wvun e? Ben bvuu beɲe keebii ban bonci le nje la?

²¹ Bó nɛn'yi cew lo lɛ, “Fo wee ejicɛ fin fiɛɛ le kɛ. Fo wee emom fifi ɛmvu kɛ. Fo wee ekum fin e kɛ.”

²² E mwɛɛm mvun mvunciim nu ε bonyii gee ε mvú fele lo, ε bonci ban nu ε è gɛke bonyii bii bvufee bvubole.

²³ Bonyii nɛn'yi no yene naa lɛ bvufee nu ê bonci bodvu ban e, no bó gee lɛ bonyii ekeè keebunlee ê je yi lɛɲ e, bô keeshiwse ekolɛ noo keenyɛwle bô ye.

Geenen, ε mwεem mvun yaa nulo efice keebvuse wee ê mwεem mvù nyam ye ye shieele le κε.

3

Bonyii bo Klistu le keηke nshii wvu fwe

¹ No Nyo' to nu ε bvuse wase ben ε bo Klistu yî kpwe le, ben emum egomte mwεem ε è nu mvu fowe fô Klistu nu ε Nyo' ε shike wvú ê ebo kew ke εεεy e.

² Ben egεε bvufee bvunen yî mwεem mvu fowe le. Fo ben egεε yî mvu fokuse le κε,

³ njefo ben to nu ε kpwe wase, ε nshii wene nu keseen ε Nyo' ε nyile yî Klistu le wvù nu bô wvú.

⁴ Seke Klistu wvù nu nshii wene ε ke ε buynen bô bvukuke bwew, é ben ten emum ebuynen ente jo bvukuke bvudvu.

⁵ Fí ε mum ε no nu le, ben elεse lo mwεem diεwe mvun e mvù nyam ye shieele. Ε nu keejaanηe kenjan bô keekpwawci mwεem ekumε kenjan, noo ye yî ηεyεen, noo keeshieele keegeε mwεem mvù befe, noo keebvuushi ejise yî mwεem e. Wee wvù bvuuushi ejise yî mwεem e nu ε mwεem mvun ε tu wase nyo' mvu fô wvú le.

⁶ Ε nu kfoo mvumvun mwεem mvù nu ke ege é Nyo' eton'yε shém elan ηεw yî bonyii bô gee mvù le.

⁷ Ε to nu fwele ε ben gee kfoo mvumwε mwεem seke ben to beε cee nce bii no nyam ye shieele.

⁸ Geenen keseen, ben keηke keecinε mvù le

3:1 2:12; Εfe 1:20 **3:2** Mat 6:33 **3:3** Lum 6:4; 2Kol 5:14 **3:4** Gal 2:20; Fili 1:21; 1:27; Fili 3:21; 1Kol 15:43; 1Jon 3:2 **3:5** Gal 5:19-21 **3:5** Lum 6:6, 11; Gal 5:24; Εfe 4:19; 5:3 **3:6** Εfe 5:6
3:7 Lum 1:18; Εfe 5:8 **3:8** Εfe 4:29; 5:4

mvunciim. Ben ecine shém yi ton'yεεn bô mvuntelem mvù sεsene noo mvuntelem mvù befe le. Fo wee ebeetè bô diee di wee le κε. Fo njeme wvù samte ebuytè diuw wee le κε.

⁹ Fo wee elεεlè waa bwee κε. Ben ekeè le ben nu ε baa wase ye yi yvum bô gee diew,

¹⁰ ε jo wase ε è nu yi fiε. Yiyin nu ε Nyo' seysee sekecii kumene ε yí tuu diewe ye le, wvu le ben elooci kee wvù.

¹¹ Fofen nu ε wee mvu yaa bvuu nu jεεy fô mvu le κε. Ke wee mvu bvuu nu dvú le è nu wee Juu ε mvu nu wee Glek κε. Ke wee mvu nu dvú le bó nu ε tfuse yew ε mvu nu ntffuse κε. Ke wee mvu nu dvú le è nu wvu entfun κε. E ke wee mvu nu dvú le è nu nyam yi ηkpwaante κε. Ke wee mvu nu dvú le è nu nfwε ε mvu nu waa yew κε. Klistu nu fiεε ficii fô bó le, ε wvú nu yí bó le bocii.

¹² No Nyo' nu ε caw wase ben, ben ε no nu bonyii bew, ε wvú koonke ben, ben emum ejo kenje ke leη kè le: wee ecamtè shen fô waa bwee le, geè mwεεm mvù jee fô bonyii le, shiwsè bikuu binen, nù wεε, kuulè shém,

¹³ yaa kenke fitele fi sεsene κε. E wee cim ge naa la fí ε luce wee, é wvú leεshe nya ê wvú. No Tata nu ε leεshe wase binen bibefe, ben ten elεεshì bi bonyii bomew e.

¹⁴ Ben dioo gee mwεεm mvun mvunciim, no tomyi kenkonen fwe. Kenkonen nu fiεε fi taashi mwεεm mvunciim ε mvú se nu yí fiεε le fimwaan.

¹⁵ Ben ecine é nyεkeey wvù nen'yi fô Klistu le

3:9 Efε 4:22, 25 **3:10** Ken 1:26-27; Efε 4:24 **3:11** 2:11; Gal 3:28; 1Kol 12:13 **3:12** Efε 4:2-4 **3:13** Efε 4:32 **3:14** Efε 5:2 **3:15** 1:18, 20; 2Kol 13:11; Efε 1:23; 4:4

enu ê mvuntelem mvunen e duŋci ben je. Nyεkeey wvun nu naa wvù Nyo' to teŋεε ben le ben ekeŋkè no ben nu ye yimiaaŋ. Ben enyaà teŋ keyoone ê Nyo' sekecii.

¹⁶ Ben egεε é saaka wvu ekumε Klistu enù ê mvuntelem mvunen e naa ntay, é ben eyεεyi bvuu teete bikuu binen bô bvufee bvucii. Ben eyemtè benseè Nyo' bô njoŋ fô mvuntelem mvunen e bô boŋkiee bô buyte ê Nwa' Mbense le noo boŋkiee bomew bo mbense le, noo bô Keyoy kew nyaa ê bonyii.

¹⁷ Ben dīoo gee fiεε ficii fi ben gee, keŋεε ben jemyi lo, ε ben no gee diεwε bonyii bo Tata Jisos e, nyaà keyoone ê Nyo' Ice fele yī ye le.

No bonyii bo Klistu le nulo ecee yéw yibole

¹⁸ Bokεεε, ben enyaà bikuu binen ê bole' bonen no bonyii bo Tata Jisos e ké no gee.

¹⁹ Bolemsε, ben ekoonkè bokε' bonen. Fo ben eŋasene yī bó le κε.

²⁰ Boom, ben eyuukè bobwee bonen bô bo'icee bonen e yī fiεε ficii le. E ben gee nonen, é fī ejee Tata le.

²¹ Bocee boom, fo ben egee mwεεm mvù mvuntelem mvu boom bonen e esaase κε. E ben gee lo, é shem ekpwee bó.

²² Bonfaw ben eyuukè bonyii bô keŋke ben fokuse fεn e yī fiεε le ficii. Fo ben elemtè bó le κε seke jise dibole nu yī yene le keegeε le ye ejee bó κε. Geenεn, ben elemtè bô fitele fimwaan, fanè ε è nu Tata.

²³ Wee dioo lemte fiεε ficii fi wvú lemte, no lemte bô fitele fiew ficii le wen lemte ε è nu Tata le ε è yaa nu wee le ke.

²⁴ Ben ekeè le wee nu ke ekeηke fiεε fi bó nu ε seyse ε gee fi è nu mmawce we ε è nu ê Tata. E nu Tata Klistu wvù ben lemte wvú le.

²⁵ Geenεn, fô bonyii bô gee kebefε le nu ε Nyo' nu ke elaw bó yî kebefε kè bó gee le. Ben ekeè le ke Nyo' ké no duηci kejeεy jeεy ê bonyii ke.

4

¹ Ben bô keηke bonfaw, ben egeè mwεεm bô bó ε è nu mvu leη bô mvù jee, ekumyî le ben keηke ten Cee Ekole fowe.

Ntefe wvu fokemεse

² Ben bocii ebunleè gεne fwe yaa doose ke. Ben dioo bunlee no leesè bvufee yî dvú le, nyaà keyoone ê Nyo'.

³ Ben ebunleè fô bese le ten le Nyo' eyene kembun fô diεw ye le é bese efewci diεw yin yî è nu kenyile ke ekumε Klistu kè me nu yî ncaw e nje kí.

⁴ Ben ebunleè le me enlooci nfewci ε wvú yuule ntay no me ηkeηke keenfewci.

⁵ Ben dioo nu ben ε bonyii bô yaa nu ke bo mbee le no gee mwεεm bô bvufee. Seke ben ε keηke je keege fiεε, ε ben mom le fo kefew kedvu efey εcici ke.

⁶ Njeme wene sekecii enù wvù bonene, yeke diεwε ηkauw e, é ben emum ekee keetfuuse fiεε ê wee tfuu ê je yi leη e.

3:24 Efε 6:8 **3:25** Jεm 2:1 **4:1** LeW 25:43 **4:2** Lum 15:30;
Efε 6:18-19 **4:2** Fili 4:6; 1Tes 5:17 **4:3** Lum 15:30 **4:4** 1:26
4:5 Efε 5:16 **4:6** Efε 4:29; 1Bi 3:15

Bongayma

⁷Tikikus nu esee fiεε ficii fi εkumε me ê ben. Wvú nu waa bwee wesebeene, nu ten fitele fisεεbeene. Bee bó lemte Tata le yî wee le mwaan ε wvú nu wee lemme wvù lemte bô fitele fiew ficii.

⁸Me ntumte wvú fô ben e bô shiee wvu le wvú eto ege ê ben ekiεε no bese nu, ebvuu eyvuwsε mvuntelem mvunen.

⁹Me ntumte bô Onesimus wvù nu wee mvu wvu jo ben, ε wvú nu ten waa bwee wesebeene wvù nu fitele fisεεbeene ε wvú leeme yî fiεε fi Klistu le temyi. Bó nu ke esee ê ben fiεε ficii fi kooyi fen.

¹⁰Alistakus wvù bee wvú nu fen yew ncaw e gayte ben e. E Mak wvù waycee Banaban gayte ten ben e. E nu wvú wvù ben nu ε kenke wase ntum ekumε wvú. Seke wvú ε to, ε ben fiisen wvú.

¹¹Jisos wvù bó tenε le Justus gayte ten ben e. E mey ke bonyii bo botete ban bô ε nu Bojuu bô bee bó lemte yî fiεε le fimwaan yî bvunfon bvu Nyo' le. Bó fici naa me baay, gee ε fitele fiem leεtene.

¹²Ebaflas wvù nu ten wee mvu wvu jo ben, wvù lemte Klistu Jisos e gayte ten ben e. Wvú dioo bunlee sekecii no kumyi ben naa baay, leke le Nyo' ege ê ben eleemè temyi diεwε bonyii bô nu ε taw wase, looci kee fiεε ficii fi Nyo' gomte le.

¹³Me nu ε n'yen wase bô ejise eyem le wvú lemte fô ben e baay noo fô bonyii bo Lawdesia bô bo 'Iliabolis e.

¹⁴Luk wvù cuuke bonyii wvù nu nsaa yem shém bô Demas gayte ten ben e.

15 Ben egay boom bo bwee wesebeene le bo mbee le bo Lawdεsia le, egay tεn Nimfa bô kentaashε ke bonyii bo mbee le kè taashi ê wvú yew e, enya ê me.

16 Ben dioo ε taη ηwa' wvun, ciinse ê kentaashε ke bonyii bo mbee le ke Lawdεsia ε bó taη tεn, mum yεn tεn le bó nu ε ciinse ηwa' wvù nu ê bó ben ε taη.

17 Ben egay ê Alkibus le wvú eyεn le wvú nu ε mεse lemme di Tata nu ε nya can ye le.

18 Wvun ηgayma saan̄ke me wvù Baul bô kebo kem. Ben ekumyì le me nu yî ncaw e. Nyo' ebuw ben bô kembonεn.

**Nwa' Nyo' Monkan mo Monfem
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
5b12a3f8-7a2a-5b6f-b1da-1bf94b13fc2e